



AKTUELNOSTI

Orkugli sto namijenjen informisanju mladih Kampanja „16 dana aktivizma protiv rodno zasnovanog nasilja“ (Brčko, 8.12.2023. godine)

U okviru kampanje „16 dana aktivizma protiv rodno zasnovanog nasilja“, koja se obilježava svake godine u periodu od 25. novembra do 10. decembra, u Brčkom je održan okrugli sto posvećen informisanju i senzibilizaciji mladih o problemu nasilja u porodici.



Aktivnosti ove kampanje u kojoj je aktivno učešće uzelo i Tužilaštvo Brčko distrikta BiH, pored ostalog, realiziraju se i u okviru projekta „Prevenција i osnaživanje protiv rodno zasnovanog nasilja u intimnim vezama mladih“. Projekat u saradnji s partnerskim institucijama provodi Udruženje aktivnih žena Gender, Brčko, a svrha je informisanje i senzibilizacija mladih o problemu nasilja u porodici, nasilja nad ženama, te nasilja u adolescentskim vezama. Opći cilj projekta je doprinijeti informisanosti učenika srednjih škola o prihvatljivim i neprihvatljivim oblicima ponašanja, radi lakšeg prepoznavanju nasilja u partnerskim vezama mladih.

Dugoročni cilj svih aktivnosti je sticanje znanja o teorijskim konceptima, vrstama, mehanizmima, dinamici, rasprostranjenosti i posljedicama nasilja u porodici i nasilja nad ženama. Na okruglom stolu koji je na ovu temu održan 8. decembra u Brčkom učenici srednjih škola upoznati s institucionalnim mehanizmima koji se bave tematikom nasilja, a kao praktičar s bogatim višegodišnjim iskustvom u procesuiranju nasilja, aktivno učešće u ovoj aktivnosti uzela je i tužiteljica Dejana Jovanović.

Tužilaštvo i ovom prilikom ukazuje na neodložnu potrebu uspostavljanja efikasnijih zaštitnih mehanizama za žrtve nasilja kroz redefiniranje odredbi Zakona o zaštiti od nasilja u porodici i lokalnih koordinacionih mehanizama kako bi u aktuelnom kontekstu odgovor kompletnog društva na sve oblike nasilja bio adekvatniji.

GLAVNI TUŽILAC
ZEKERIJA MUJCANOVIĆ

